



Broj: 16-12-16-3881-8/18  
I. Sarajevo, 09.07 2018. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 70. Zakona o javnim nabavkama ("Službeni glasnik BiH", broj 39/14), na preporuku Komisije II za nabavke za potrebe Državne agencije za istrage i zaštitu u 2018. godini broj 16-12-16-3881/18 od 29.06.2018. godine, u postupku javne nabavke usluga održavanja liftova za potrebe Državne agencije za istrage i zaštitu, direktor Državne agencije za istrage i zaštitu, d o n o s i

## ODLUKU

o izboru najpovoljnijeg ponuđača u konkurentskom zahtjevu za javnu nabavku usluga održavanja liftova za potrebe Državne agencije za istrage i zaštitu

### Član 1.

Prihvata se preporuka Komisije II za provođenje postupka nabavke za potrebe Državne agencije za istrage i zaštitu u 2018. godini broj 16-12-16-3881/18 od 29.06.2018. godine i ugovor u postupku javne nabavke usluga održavanja liftova za potrebe Državne agencije za istrage i zaštitu, dodjeljuje se ponuđaču „OTIS” d.o.o. Sarajevo, za ponudenu cijenu od 5.760,00 KM bez uračunatog PDV-a.

### Član 2.

(1) Ponuđač „OTIS” d.o.o. Sarajevo, obavezan je ugovornom organu dostaviti dokaz o ispunjavanju uslova iz tačke 3.1.1. i tačke 3.1.3. Tenderske dokumentacije.

(2) Dokaze iz stava (1) ovog člana (original ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

### Član 3.

Ova odluka se ponuđaču dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

### Član 4.

Za izvršenje ove odluke zadužuje se Sektor za materijalno-finansijske poslove, Državne agencije za istrage i zaštitu.

### Član 5.

Ova odluka stupa na snagu danom donošenja.

## Obrazloženje

Postupak javne nabavke usluga redovnog mjesečnog održavanja četiri lifta za period od jedne godine, u sjedištu Državne agencije za istrage i zaštitu (u daljem tekstu: Agencija), pokrenut je Odlukom direktora Agencije broj 16-12-16-3881-1/18 od 29.05.2018. godine, putem konkurentskog zahtjeva, za koji je obavještenje o javnoj nabavci objavljeno na Portalu javnih nabavki broj 1161-7-2-263-3-45/18 od 07.06.2018. godine. Procijenjena vrijednost javne nabavke je ukupno 6.000,00 KM bez uračunatog PDV-a, a za šta su novčana sredstva obezbjeđena u okviru budžetskih sredstava za 2018. godinu.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Komisija II za nabavke za potrebe Državne agencije za istrage i zaštitu u 2018. godini (u daljem tekstu: Komisija) dostavila je Izvještaj o radu broj 16-12-16-3881/18 od 29.06.2018. godine, sa preporukom o izboru najpovoljnijeg ponuđača u postupku javne nabavke usluga održavanja liftova za potrebe Agencije.

Tačkom 6. Tenderske dokumentacije navedeno je da je rok za dostavljanje ponuda 20.06.2018. godine do 13,00 sati, te da se ponude dostavljaju u zatvorenoj koverti. Komisija je dana 20.06.2018. godine u 14,00 sati izvršila javno otvaranje ponude.

Blagovremeno je dostavljena jedna ponuda i to:

Redni broj	Naziv ponuđača	Vrijednost ponude (bez PDV-a)
1.	„OTIS“ d.o.o. Sarajevo	5.760,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđaču. Postupak je dalje nastavljen u smislu pregledanja dokumentacije priložene uz ponudu, a u cilju ocjenjivanja ponuđača, te njegove kvalifikovanosti shodno uslovima navedenim u Tenderskoj dokumentaciji.

Komisija je utvrdila da ponuđač „OTIS“ d.o.o. Sarajevo ispunjava kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Takođe, Komisija je utvrdila da ponuđač ispunjava i formalno-pravne uslove postavljene u Tenderskoj dokumentaciji.

Tenderskom dokumentacijom za postupak javne nabavke usluga održavanja liftova za potrebe Agencije, predviđeno je provođenje e-aukcije. Imajući u vidu da je zaprimljena jedna ponuda, e-aukcija nije provedena. Nakon pregledanja dokumentacije priložene uz dostavljenu ponudu, Komisija je u smislu člana 65. st. (1) i (2) Zakona ocijenila ponudu kvalifikovanog ponuđača, primjenjujući kriterij najniže cijene iz tačke 8. Konkurentskog zahtjeva, konstatirajući da ponuda ne podliježe primjeni preferencijalnog tretmana domaćeg, te je sačinila listu, kako slijedi:

Redni broj	Naziv ponuđača	Vrijednost ponude (bez PDV-a)
1.	„OTIS“ d.o.o. Sarajevo	5.760,00 KM

Nakon provednog postupka ocjenjivanja dostavljene ponude, Komisija je utvrdila da je ponuda ponuđača „OTIS” d.o.o. Sarajevo ocijenjena kao najpovoljnija, da ista ne premašuje procijenjenu vrijednost nabavke iz tačke II Odluke i da ne podliježe primjeni preferencijalnog tretmana domaćeg.

Shodno navedenom, prihvaćen je prijedlog Komisije i odlučeno da se ugovor u postupku javne nabavke usluga održavanja liftova za potrebe Agencije dodjeli ponuđaču „OTIS” d.o.o. Sarajevo, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđaču;
- Sektoru za mat.-fin. poslove;
- a/a.

